



西通志第二十九卷

祠祀二

漢中府

社稷壇 在府城西北明洪武五年建嘉靖十七年知府陳璣修

本朝康熙二十年知府滕天綬清理壇基另築續壇立碑記附郭不

置餘州縣如制

府冊

風雲雷雨山川壇 在府城南附郭不置餘州縣如制

賈志

文廟 在府治西南康熙二十六年知府滕天綬捐俸新葺殿宇

法物器數靡不備置雍正元年改啓聖祠爲崇聖祠追封孔子

五代王爵附郭不置餘州縣如制

府冊

先農壇 在東郊附郭不置餘州縣如制

府冊

關帝廟 在府治西雍正三年追封三代公爵供奉後殿歲春秋

祀以太牢各縣如制餘廟在郡治者有九

府冊

文昌祠

在府治西南一在府治南二里元延祐中建按馮志有

元延祐三年加封制郡城舊有文昌祠因傾圯止存前右殿二

門一明隆慶中知府翟濤重修令南鄭知縣李梓董其事為拜

殿一為寢宮二為桂香閣高百尺左右有魁星等祠東西有

院樹以坊門繚以垣墻周圍計一百二十七丈金碧輝煌樓

之勝帶漢江而俯漢山見翟濤記

府志

八蜡廟

在府治西南二里附郭不置餘州縣如制

賈志

旗纛廟

在漢中衛治東明洪武十四年建萬曆三十一年守備

溫編改建于西教場之東

府志

城隍廟

在府治西南一里明洪武五年知府費震建萬曆間知

府李有實崔應科相繼增修附郭不置餘州縣如制

府志

郡厲壇 在府城北郊附郭不置餘州縣如制州縣曰州厲邑厲

鄉保曰鄉厲賈志

名宦祠 在學宮左各州縣學如制府志

鄉賢祠 在學宮右各州縣學如制府志

忠義孝弟祠 在學宮內雍正元年建各州縣如制府冊

節孝祠 在學宮外雍正元年建各州縣如制府冊

南鄭縣

漢高祖祠 在漢水相傳高祖遊憇于此後立祠祀之甚靈賈志

東嶽廟 在府治北二里賈志康熙三十八年修縣冊

真武廟 在府治北一里賈志崇禎己亥年王堯民重修有碑記府志

馬神廟 在縣治漢陽驛賈志

鄼侯廟 在府堂東祀漢相國蕭何明洪武十五年知府李恭讓

建明一  
統志

武侯廟

在城南二里明萬曆元年重建

本朝康熙十二年修

縣志

淮陰侯祠

在縣南八十里米倉山

明一  
統志

二郎廟

一在府治東三里一在府治西二里

賈志

二相祠

在府城內宋嘉定間丁燦帥興元建祠祀宋張浚虞允

文魏了翁作記

明一  
統志

方正學祠

在府治西南祀明方孝孺萬曆間知府項思教建春

秋致祭徐用檢有記

府志

三公祠

在縣西舊爲藍公祠祀都御史藍章武功康海記後因

都御史原傑吳道宏相繼撫鄖招撫流移皆有功漢中紳民公

請並祀故名三公祠春秋致祭

賈志

草塘寺

在府治南一里唐貞觀年修

本朝順治八年重修

縣志

法華寺

在府北一里五代時蜀廣政二十四年建

府志

大曆寺

在城北四十里宋大中年建

馬志

本朝康熙五十五年修

縣志

乾明寺

在城西三十里中梁山宋淳熙八年新羅國僧來從海

東居此建寺

馮志○按賈志作府治西十三里誤

內有池水冬夏不涸時出雲雨

見怪物今亡

賈志

本朝順治年修

縣志

龍潭寺

在城南六十里昔有二龍鬪於此故名

賈志

宋嘉定元年

建

本朝順治十三年修

縣志

一石堰寺

在城北三十七里王子山下宋嘉定十三年建馬志

寶峰寺

在城西北四十里元至正年建

本朝順治六年修

按馬志作寶峰觀誤

萬壽寺

在府治西南一里

賈志明洪武十六年建

本朝康熙四十二年修

縣冊

鐵佛寺

在府北六十里天台山山下明正統十四年建馬志城西南

十里又有鐵佛殿

本朝雍正九年修

縣冊

勝水寺

在城東南十五里泉從佛坐下流出甘冽不涸故名明

嘉靖年建

縣志

正宗寺

在府治西

府志

康熙十九年漢興道楊鳳起建

縣冊

湧泉寺

在府北七十里天台山上有湧泉故名

馬志

天臺寺

在府北七十里天臺山

馬志

明萬曆甲寅年修

縣志

鐵香爐寺

在城北三十里相傳漢王焚香處

府志

靜明院

在府治東二里明洪武八年建院北有甄塏

馮志

本朝康熙五十九年脩

縣冊

玉井觀

在城東北十里宋嘉泰元年建

馬志

本朝順治十二年修

縣志

高峯觀

在城北二十里明崇禎年修

縣志

青龍觀

在城北四里明崇禎十四年脩

縣志

九仙觀

在城東五十里

本朝康熙五十九年修

縣冊

褒城縣

關帝廟

一在東門內明萬曆二十三年建一在雞頭關俯臨石

門迴瞰龍江據天險之雄勝其青橋馬道二驛俱有廟

縣志

鄮侯廟

在縣治南八十里流珠堰側相傳堰爲侯所築故立廟

祀之

府志

惠遠侯廟

在縣治東南一里山河堰之左舊名山河廟宋政和

間始賜是額

馬志

慶曆中知縣竇充有碑明嘉靖二十九年直指

劉崙副使齊宗道知縣張庚議修并肖像今春秋祀典猶存

府志

相傳山河惠遠等堰爲漢相曹參所建引水灌田後人樂利立

廟祀之

縣志

淮陰侯廟

一在縣南一百二十里孤雲山一在縣西南一百三

十里仙臺山

馬志

靈澤廟

在縣南五十里玉泉北宋嘉定三年封神爲孚濟侯賜

廟額靈澤其加封之牒尚存畧云本縣山道村有泉名碧玉方

畝平地深廣五七丈琉璃色泉自下吐不溢不竭派流如瀑

漸田數千畝泉北有龍神祠慶元元年夏六月大旱前知興元府張浚禱于神大雨次年夏復旱又祈禱有錦文小蛇雙首浮水面雨隨至禾麥大熟加修祠宇嘉定三年久缺雨雪採訪靈跡祈禱十二月十二日碧玉泉陰晦俄而雷雨大至嘉定四年

勅賜是額

府志

延慶寺

在縣東十里俗呼打鐘寺漢曰臨江唐貞觀中始賜是

額明洪武初僧妙智重修

府志

崇慶寺

在縣西二十五里牛頭山下爲唐僧洪哲道場

馮志

俗呼

爲牛頭寺唐貞觀間法融師立

府志

寺後二里有千佛洞二十里

爲牛首前庵又十里爲中菴又二十里爲後庵皆古今名刹

縣志

寶積院

在縣西南六十里俗呼石窟寺唐大中年建後賜是額

府志

福嚴寺

在縣西南九十里卽金華寺中有龍骨塔昔老僧嚴公

於後洞得龍牙龍角龍骨數十夜夢一巨人縞衣告曰此山神

龍所依因樵牧汙穢龍已去矣今德人住此龍當復來今洞中

之骨其蛻也嚴公卽建塔取龍骨瘞之賈志寺前有仙人真身洞

并龍骨塔銘府志

孤山寺

在縣東南二十五里明洪武八年建寺前後漢水龍江

爲之映帶府志

觀音寺

在縣西南七十里明正統二年建賈志

海秀寺

在縣南二十里賈村壩宋咸平二年建

本朝雍正九年修縣志

沙岐寺

在縣南七十里霄停壩宋嘉定三年建舊名西遊院明

洪武年修

縣志

雙谿寺

在縣南八十里石窟壩卽宋乾道時松梁關地以崖

二水相合故名

縣志

金泉寺

在縣西南三十里雍齒壩相傳建自宋朝有千年古柏

金泉自下出焉

縣志

順天寺

在縣西南二十里明正德二年脩相傳有老道居此又

名老道寺

縣志

高臺寺

在縣南六十里高臺壩雍正庚戌年修

縣冊

成化觀

在縣西北九十里雲夢山漢時建初爲雲霧寺宋慶元

五年脩改今名前有巨石鐫觀山擊虎四大字明憲宗時道士

李永惠奉勅重修

縣志

虛谷庵

在長林鎮距城二十里康熙四十二年修

縣冊

附古

開山寺在城北一里

賈志

○四川寺在縣北一百三十里四

川山中

馬志

城固縣

黃帝廟

在縣西南二十里

明一統志

坐落安家渡康熙十年重修

縣冊

漢王廟

在縣東十里漢高帝初封王於此因祀

明一統志

彭祖廟

在少年山口祀商大夫彭祖

馬志

伍子胥廟

在縣北百丈堰元至正元年建明洪武十四年重修

天順間復修有記

明一統志

關帝廟

在縣治大東門明洪武八年建嘉靖四十四年邑令楊

守正重修有記

縣志

張子房祠

在縣北十里子房山

賈志

一廟在縣西北十里斗山

馬志

一在城東關康熙四十年修

縣冊

女郎廟

在女郎山祀張魯女

賈志

魯女浣衣山下有白霧蒙身

有孕恥之自殺將死謂婢曰我死剖腹視之婢如言得龍子一

雙送之漢水後有龍至墓前成谿其下有女郎廟搗衣砧

縣志

楊將軍祠

在縣北一十五里宋紹興二十九年建祀總管楊從

義從事郎袁勃記畧云將軍鳳翔天興人靖康應募從吳玠立

功晉爵安康郡開國侯乾道二年授提舉台州崇道觀介梁洋

間居焉卒葬于城固水北村

府志

祠有宋山南道陳渤撰記

馬志

縣志載楊四將軍廟卽此

蒲縣尹祠

卽縣尹蒲唐廟在縣西二十里元至正間建

馬志

嚴因寺

在縣治南一里唐僖宗乾符六年建

馬志

大安寺

在縣治西南三十里唐昭宗大順中建

縣志

本朝康熙四十六年重修

縣志

蕙香院卽寶山寺

在縣東北十五里寶山唐開禧時建宋嘉定

至明正德年屢加修葺殿閣雄麗稱爲一邑之鎮

縣志

杜陽院

在昇仙口距城三十里剏自唐朝其地左環壻水右近

伏牛岡阜盤旋林麓幽邃形勢規模爲一方之勝境明弘治年

修有碑記

縣志

妙嚴院

在斗峰之巔距城四十里宋嘉祐八年詔賜今額乾道

中增葺有碑記

縣志

陰平寺

在縣西南三十里

馬志

明永樂中建

縣志

雞鳴寺

在大角寨距城六十里明隆慶二年建

縣志

普恩寺

在杜家營距城五里明萬曆元年建黃九成撰記

縣志

新馬院

坐落東原公距城二十里明萬曆年建

朝順治七年至康熙九年兩次加修

縣志

廣利院 在斗山後灣距城二十里順治二年重建縣志

邯鄲寺 在邯鄲邨距城三里順治十五年修縣志

七星寺 在賀家橋距城十里康熙三十三年脩縣志

經邑院 在杜家營距城十八里康熙四十八年修縣志

禪定院 在東原公距城三十五里康熙五十九年修縣志

唐仙觀 在縣東北二十五里馬志王莽居攝二年名靈壽宮因後

漢唐公昉昇仙故易今名府志

本朝康熙四十三年修縣志

白鶴觀 在縣西十里老君山唐僖宗幸漢南見白鶴翔舞其上

因建是觀府志唐廣明元年建有進士王之儀碑馬志宋寶慶二年

重修馮志

奉真觀 在縣治斗山唐寶真人得道處賈志明成化二十年建縣志

集靈觀

在縣治南元大德八年建明萬曆七年修縣志

扁鵲觀

在文川口距城五十里明時建縣志

天慶觀

在西原公距城三十里明嘉靖二十年建縣志

上圓觀

在甯家灣距城三十里順治七年脩縣志

玉皇觀

在丁家村距城十五里康熙十年修縣志

冲虛觀

在方家營距城三十里康熙三十二年脩縣志

洋縣

關帝廟

在縣城西北縣志

留侯祠

在縣西四十里雲山上卽子房山相傳留侯辟穀從赤

松子遊處一在酆都山縣志

蔡公祠

在縣東二十五里漢黃門蔡倫造紙追封龍亭侯卒葬

于此祠在墓前縣志